

(<https://news.usm.my>)

Berita Mutakhir

14
NOV

PERKASA TVET - PEMBANGUNAN HOLISTIK GRADUAN GENERASI KINI UNTUK TENAGA KERJA MASA HADAPAN NEGARA



PULAU PINANG, 14 November 2016 - Technical, Vocational, Training and Education (TVET) merupakan antara perkara penting yang digariskan dalam Pelan Pembangunan Pendidikan Malaysia dalam memperkasakan kemahiran masyarakat negara Malaysia untuk pengisian sektor tenaga kerja masa hadapan.

Demikian menurut Naib Canselor Universiti Pendidikan Sultan Idris (UPSI) Profesor Dato' Dr. Zakaria Kasa dalam ucap terna di sempena Seminar Kebangsaan Majlis Dekan-Dekan Universiti Awam 2016 yang bertajuk Memperkasakan Pendidikan Teknikal dan Vokasional.

Katanya, TVET penting untuk mempersiapkan para tenaga kerja mahir di sektor-sektor pekerjaan dalam negara kelak dan graduan yang dihasilkan adalah yang berkemahiran tinggi dalam bidang-bidang yang diceburi dan TVET dan tenaga kerja perlulah bersifat global, proaktif, produktif, kreatif, inovatif, penglibatan industri dan yang berkaitan.



"Program "2u2i" merupakan salah satu inisiatif untuk merealisasikan perkara ini dan pihak industri dan universiti perlu sanggup untuk menerima para pelajar yang terlibat," jelasnya.

Dalam Pembentangan Bajet 2017 baru-baru ini, 9 Institusi Pendidikan Guru (IPG) dicadangkan menjadi 4 politeknik, 4 kolej vokasional dan 1 pusat TVET untuk jurulatih dengan peruntukan sebanyak RM400 juta.



Yang turut hadir ke ucaptama ini adalah Pengerusi Majlis Dekan Pendidikan Universiti Awam Profesor Dr. Baharuddin Aris, Penasihat Majlis Dekan Pendidikan Universiti Awam Profesor Dato' Dr. Abdul Rashid Mohamed, Dekan Pusat Pengajian Ilmu Pendidikan USM merangkap pengerusi Jawatankuasa Kerja Seminar Kebangsaan Majlis Dekan Pendidikan Universiti Awam 2016 Profesor Dr. Hairul Nizam Ismail dan Pengarah Pusat Pembangunan Kecemerlangan Akademik dan Pembangunan Pelajar USM dan Penyampai Ucaptama Seminar Kebangsaan Majlis Dekan Pendidikan Universiti Awam 2016 Profesor Dr. Abdul Karim Alias.

Teks : Hafiz Meah Ghouse Meah

Foto : Mohd Fairus Md Isa



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (mailto:pro@usm.my).

